

**Nunap immikkoortuini mittarfinnik tulleriarinissamut tunngavissat pillugit  
Inatsisartut aalajangiiffigisassaattut siunnersuut**

(Ineqarnermut Attaveqaqatigiinnermullu Naalakkersuisoq)

**Tunuliaqutaq**

Mittarfiliassat pillugit suliniutip UKA2015-imi imm. 18-imi aamma immikkoortoq 167-imi akuersissutigineqarneratigut, mittarfiliassat pillugit suliniutip pillugit misissuinissat piareersaanissallu aallartinneqarput. Nuummi, Ilulissani, Qaqortumilu mittarfiit Kalaallit Airports A/S-ip ataani annertuutigut suliarineqarput.

Mittarfiit sinnerinut tunngatillugu sanaartortitsinissamut, ingerlatsinissamut, missingersuutinut, inuiaqatigiit aningaasaqarnerinullu tunngasunik annertuumik misissueqqissaarnerit pigineqalersimalerput. Tulliuttumi ilanngussatut nalunaarusiani tallimaasuuni misissueqqissaarnerit ataatsimoortinneqarput:

- Ilanngussaq 1: Qeqertarsuup Tunuani Nunap immikkoortortaani Mittarfissanut Periarfissat pillugit allaatigisaq
  - **Qeqertarsuaq, Qasigiannugit** aamma **Kangaatsiaq**
- Ilanngussaq 2: Kujataani Nunap immikkoortortaani mittarfissanut periarfissat pillugit allaatigisaq
  - **Narsaq** aamma **Nanortalik**
- Ilanngussaq 3: **Ummannami** mittarfissamut Periarfissat pillugit allaatigisaq
- Ilanngussaq 4: **Ittoqqortoormiini** mittarfissamut Periarfissat pillugit allaatigisaq
- Ilanngussaq 5: **Tasiilami** mittarfissamut Periarfissat pillugit allaatigisaq

Nalunaarusiatigut innersuussutigineqartut qalipaatinik ilisarnaaserlugit, inernerit tulliuttumi tabelimi takutinneqarput:

<b>Innersuussutit takussutissartaa:</b>			
Illoqarfik	Qulimiguulinnut mittarfik	Asfaltigaanani imaluunniit asfaltigaalluni 650 meteri	Asfaltigaalluni 799
Qeqertarsuaq	Illoqarfinnut taakkununga tallimaasunut imminut akilersinnaanerpaaq	Mittarfik Dash 6- imut Dash 8-200- mullu naappallaarpoq	Sanaartortitsinissaq ingerlatsinissarlu eqqarsaatigalugit illoqarfinni taakkunani tallimaasuni periarfissaqarpoq
Qasigiannugit			
Kangaatsiaq			
Narsaq			
Nanortalik			

UKA 2020/27

IAN – Suliaq normu.: 2017-2529

Uummanaq	Ullumikkut periarfissaqarpoq	Sanaartornissaq ingerlatsinissarluk eqqarsaatigalugit ajornarpoq	
Ittoqgortoormiit	Ullumikkut periarfissaqarpoq	Mittarfik Dash 6-imut Dash 8-200-mullu naappallaarpoq	Illoqarfinnut taakkununga marluusunut imminut akilersinnaanerpaaq
Tasiilaq			

Qorsuk ■ : Innersuussutigineqartoq

Sungaartoq ■ : Inuiaqatigiit aningaasaqarnerat eqqarsaatigalugu innersuussutigineqanngilaq, teknikkili eqqarsaatigalugu ajornarani

Aappalaartoq ■ : Ajornarpoq

Aalajangiiffigisassatut siunnersuummut matumunnga atallutik misissueqqissaarnerit inernerit, nalunaarusiatut ilanngussani ersarinnerusumik atuarneqarsinnaapput.

Misissueqqissaarnernut pigineqartunut UKA2015/167 pingaartumik tunngavissiiivoq:

*” Assartuussinermi ataatsimut akissaajaatit annikillisinnissaat, timmisartuussisarnerup akulikillinissaa aamma unammilleqatigiinnerup annertusisinnaanera siunertaralugit Mittarfinnik sanaartorneq pillugu Inatsisartut inatsisissaattut siunnersuummik qinigaaffimmi matumani Naalackersuisut saqqummiussinissaannik peqquneqarnissaannut Inatsisartut aalajangiiffigisassaattut siunnersuut. Tamanna pissaaq mittarfiit, qulimiguullit mittarfuisa akunnisimaartarfuisalu piusut amerlanerpaamik 19-inut ilaasoqarsinnaasunut mittarfinnut millilernerisigut aamma allilernerisigut. ”*

Tulliuttup akuersissutigineqarneranut atatillugu Sanaartornermut Ataatsimiititaliap isumaliutissiissutaa, Naalackersuisut allannguissamik siunnersuutaannut tunuliaqutaavoq:

*” Nunap immikkoortuini mittarfinnik, silaannakkut angallasseriaatsitsinni attaveqaatit sinneri peqatigalugit nunatsinnik pitsaannerusumik ataqatigiissitsisussanik, aammalu tikittartut amerlanerulernissaannut, eqaannerusumik aaqqiinissamut ingerlatsinermullu aningaasartuutit ikinnerulernerinut iluaqutaasunik ineriartortitsinissamik siunnersuuteqartup anguniagaqarneranut Naalackersuisut isumaqataapput. Mittarfinni ataasiakkaani ingerlatsinermut aningaasartuutit ikinnerulernerit, aammalu mittarfiit ataasiakkaat atortunut atorineqartunut pitsaasunullu naleqqussakkanik ilusiligaanerat naggataatigut aamma bilitsit akikinnerulernerinik, kiffartuussinissamullu isumaqatigiissutinut amerlasuunik aningaasartuuteqarfiusartunut aningaasartuutit ikilinerinik kinguneqartussaapput. Taamaattumik mittarfiit ilaasa nunap immikkoortuini mittarfinnut, timmisartunik 19-it tikillugit ilaasoqarsinnaasunik sullissisinnaasunut appartinneqarnerat timmisartut akulikinnerusumik*

UKA 2020/27

IAN – Suliaq normu.: 2017-2529

*tikittarnerannik, aammalu ingerlatsinermut bilitsinullu aningaasartuutininik sipaagaqarnermik, kiisalu atortunik sulisunillu pitsaanagerusumik atuilernermik kinguneqarsinnaammat Naalakkersuisut isumaqataapput. Kiisalu qulimiguullit mittarfisa akunnisimaartarfisalu nunap immikkoortuani mittarfinnut qaffanneqarnerat amerlasuuninik sipaagaqarnermik kinguneqartussaavoq, qulimiguullit ingerlatsinermut amerlasuuninik aningaasartuuteqartarmata, taamaalillutillu kiffartuussinissamut isumaqatigiissutinik akisuuninik annertuumik pisariaqartitsiviusarlutik.”*

Misissueqqissaarnerit inernerisa takutippaat, ilimagineqarsimasut naatsorsuutigineqarsimasullu ilaat ajoraluartumik allarluiinnaasut:

Misissueqqissaarnerit suliarineqarnerinut atatillugu siusissukkut paasinarsivoq, asfaltigaanatik mittarfiit 650 meterinik takitigisut ilaasunik akuttoqatigiimmik angallassinissamut atorineqarsinnaanngitsut. Tamanna tunuliaqutaralugu mittarfiit atorineqarsinnaanissaannut naapertuuttumik misissueqqissaarinissami suliaasaq Naalakkersuisut annertusivaat. Taamaattumik misissueqqissaarnerni mittarfiit 799 meterinik takitigisut aamma ilanngunneqarput.

2015-imi aalajangiiffigisassatut siunnersuutigineqartunut tunngatillugu, angallasseriaatsimi nutaamik aqqissuussinikkut angallassinermi aningaasartuutit appartinneqarnissaat, akulikinnerusumik timmisartuussisalernissaq unammilleqatigiinnerullu annertusineqarnissaanut periarfissinissaq pingaarnertut anguniakkat ilagaat. Misissueqqissaarnerit takutippaat, sanaartortitsinissami ingerlatsinissamilu aningaasartuutissat eqqarsaatigigaanni angalasartut ikippallaarmata, nunap immikkoortortaanni mittarfiliortitsinerinnakkut anguniakkat taakku tamarmik anguneqarsinnaanngitsut.

Ingerlatsinermi aningaasartuutit eqqarsaatigigaanni mittarfiit arlaannaalluunniit imminut akilersinnaassanngilaq, sanaartortitsisoqarnikkullu akulikinnerusumik angallasisoqartalersinnaassasoq naatsorsuutigineqarsinnaanani. Kisianni toqqaannarnersunik ataqatigiinnerusunillu angallasseriaaseqalertoqarnissaanut periarfissaqarpoq.

Inuiaqatigiit aningaasaqarnerat kisiat isiginiassagaanni Tasiilami Ittoqqortoormiinilu mittarfissat kisimik innersuussutigineqarsinnaapput, tamannalu aalajangiiffigisassatut siunnersuuteqarnermi siunertaasumik tulluuttumik naammassinnilluni: ”assartuussinermi ataatsimut akissaajaatit annikillisinnissaat, timmisartuussisarnerup akulikillinissaa aamma unammilleqatigiinnerup annertusisinnaanera siunertaralugit.”

### **Tullerriiarinissami tunngavissat**

Misissueqqissaarnernut ingerlanneqareersunut nalinginnaasumik nangitsinertut aalajangiiffigisassatut siunnersuut manna isigineqassaaq. Taamaalilluni nunap immikkoortortaanni mittarfissat tullerriarneqarnissaannut tunngavissat siunnersuummi matumani siunnersuutigineqarput.

UKA 2020/27

IAN – Suliaq normu.: 2017-2529

Inuiaqatigiit aningaasaqarnerisa naliliiffigineqarnerisigut Tasiilami Ittoqqortoormiinilu mittarfissat innersuussutigineqarsinnaammata, taakku suliaralugit ingerlateqqitassat maannangaaq innersuussutigineqarsinnaapput.

Illuatungaani Qeqertarsuup Tunuani mittarfissat pingasut, Kujataanilu mittarfissat marluk suliareqqinneqassappata, itinerusumik suliarineqaaqqaartariaqassapput. Inuiaqatigiit aningaasaqarnerisa naliliiffigineqarnerat aallaavigalugu innersuussutigineqarsinnaannginnerat uani eqqarsaatigineqarpoq. Taamaattumik ataqatigiissumik immikkoortortamut pilersaarummi taakku ersarinnerusumik suliarineqartariaqarput.

Qaarsuni mittarfimmut taartissatut Uummannami mittarfiliortoqarnissaanerani periarfissat misissorneqassasut Naalakkersuisut aalajangernikuuat. Uummannami mittarfiliortoqarnissaanut periarfissaqanngilaq, taamaattumillu ingerlateqqitassat innersuussutigineqarani.

Nunap immikkoortortaanni mittarfissat tullerriaarneqarnissaanni, tunngaviusumik tunngavissat pingasut tunngavigineqartariaqarput:

1. Imminut akilersinnaassuseq.
2. Angallasseriaatsip aaqqissuussaanerata pitsaanerulersinneqarnissaanut tapertaasinnaassuseq.
3. Tullerriaaraluni sanaartorsinnaaneq.

*1. Imminut akilersinnaassuseq*

Aningaasaliinermi siunissami ungasinnerusumi aarlerinangitsumik isumannaassuseqarnissaq, annerpaamik iluanaaruteqarnissaq, inuiaqatigiillu aningaasaqarnerinut pitsaanerpaamik sunniuteqartitsinissaq anguniarlugit mittarfiit inuiaqatigiit aningaasaqarnerinut pitsaasumik sunniuteqartussat salliunneqassasut, aalajangiiffigisassatut siunnersuutitigut anguniarneqarpoq. Tamatuma saniatigut ataatsimut isigalugu angalasut, timmisartuutileqatigiit oqartussallu aningaasartuutigisartagaat annikillisillugit angallasseriaatsip aaqqissuussaanerata pitsaanerulersinneqarnissaanut mittarfiit tapertaanissaat tullerriaarinermi aallaavigineqassasoq anguniarneqarpoq. Tasiilami Ittoqqortoormiinilu suliniutit piumasaqaatinik taakkunanga naammassinnipput.

Qeqertarsuarmi, Qasigianguani, Kangaatsiami, Narsami Nanortalimmilu mittarfissat misissoqqissaarneqarnerinut inerniliussani atuarneqarsinnaavoq, qulimiguulinnut mittarfiit piusut attatiinnarneqarnissaannut sanilliukkaanni mittarfiit taakku inuiaqatigiit aningaasaqarnerinut ajornerusumik sunniuteqassasut. Tamanna tunuliaqutaralugu innersuussutigineqarpoq, angallaneq pillugu ataqatigiissumik immikkoortumut pilersaarummik suliaqarnermi mittarfiit taakku nangillugit misissoqqissaarneqassasut.

Sanaartortitsinermi aningaasartuutit mittarfiit ilaasa akilersinnaassanngilaat, ingerlatsinerinnarli isiginiarneqassappat ullutsinni nalit isigalugit ullutsinni qulimiguulinnut mittarfinnik ingerlatsinermut sanilliullugu, ingerlatsinermi aningaasartuutit kisiisa isigalugit imminut akilersinnaasumik ingerlanneqarsinnaassapput. Taamaakkaluartorli naatsorsuutit eqqarsaatigalugit taamatut periuseqartoqassappat, angallassinerep aaqqissuussaanerani allanik periarfissaqartitsilluni, annerusumillu ataqatigiissitsisoqarluni ataatsimoortumik eqqarsartoqartariaqassaaq. Aningaasaqarneq ersarinnerusumik naatsorsuusiorfigisinnaaqullugu assersuutigalugu Air Greenlandi ingerlatsisinnaasuusoq qanimut oqaloqatigineqartariaqarpoq.

Ummannami mittarfiliortoqarsinnaanngilaq. Taamaattumik suliaq tassunga tunngasoq nangillugu suliarineqassanngilaq.

Aningaasarsiornikkut imminut napatissinnaaneq, naleqquttumillu angallassinissaq akigalugit nutaanik sanaartortoqannginnissaa qulakkeerniarlugu, mittarfinnik sanaartornissami tunngavissat Inatsisartut inatsisaannik arlalinnik, matumani mittarfiit pillugit inatsimmik kiisalu missingersuutit naatsorsuutillu pillugit inatsimmik tunngaveqarput. Qeqertarsuup Tunuani Kujataanilu mittarfiit annaasaqaataasussaammata, taarsigassarsitinneqarnikkut aningaasalersorneqassanngikkalarput. Tasiilami Ittoqqortoormiinilu mittarfiit taarsigassarsitinneqarnikkut qularnanngitsumik aningaasalersorneqarsinnaassapput.

Taamaattumik ullutsinni siunissamilu innuttaasunut iluaqutaanerpaasussanik naliliinikkut tulleriarisooqartariaqarpoq.

### *2. Angallasseriaatsip aaqqissuussaanerata pitsaanerulersinneqarnissaa*

Taamaalilluni angallasseriaatsip aaqqissuussaanera ersarissumik pitsaanerulersillugu tulleriarisagaanni, Ittoqqortoormiini Tasiilamilu mittarfiit salliunneqartariaqarput. Sumiiffiit taakku timmisartuinnarmit tikinneqarsinnaapput, taamaattumillu suut tamaasa eqqarsaatigigaanni illoqarfiit qanitarisaanni mittarfeqalernikkut sunniutissaat pitsaasuussallutik.

Qeqertarsuup Tunuanut Kujataanullu tunngatillugu inuiaqatigiit aningaasaqarnerisa misissueqqissaarneqarnerisa inerniliussaanni ersarilluinnarpoq, marlunnik periutsumik tunngaveqarluni angallasseriaaseqarnissaaq ajornakusuussasoq, taamaanneratigullu misissueqqissaarinerni assigiinngitsunik tunngaveqarlunilu naatsorsuisooqartariaqarsimasoq. Taakku annerusumik isiginnittaaseqarluni misissoqqissaarneqartariaqarput. Taamaattumik aamma Ittoqqortoormiini Tasiilamilu mittarfiit tulleralugit mittarfiit taakku tallimat tulleriarneqassapput.

### *3. Tulleriaraluni mittarfiliorneq*

Nunap immikkoortortaanni 1980-ikkunni 1990-ikkunnilu mittarfiliat nunatsinneersunik sulisoqarluni sanaartorneqarput. Sanaartornikkut Kalaallit Nunaata nammineerluni

piginnaasaa nukittorsarumallugu, nunatsinneersunik sulisoqartitsinissaq orniginarnerpaassaaq. Mittarfissat tulleriarlugit sanaartorneqassappata tamanna pitsaanerpaassaaq. Uani sanaartugassatut suliniutini Namminersorlutik Oqartussat ataavartumik suliassaateqarsinnaappata aatsaat, assassornermi ilinniartunut inissaqartitsisoqarsinnaanerani patsiseqarpoq. Innuttaasut ilinniarfiillu pisariaqartinneqartunik sulisussaartitsisinnaaqullugit aamma siusissukkut ilimasaarneqartussaapput.

### *Eqikkaaneq*

Taamaalilluni angallasseriaatsip aaqqissuussaanerata sinneranut atatillugu ersarinnerusumik suliarineqartariartut salliunneqaratik, imminut akilersinnaanerut salliunneqarnissaat tulleriarinissami tunngavigineqassaaq. Tullinnguullugu angallasseriaatsip aaqqissuussaanerata pitsaanerulersinneqarnissaa aalajangiiffigineqarumaarpoq. Tamatuma saniatigut Kalaallit Airports A/S-ip ataani mittarfiliornikkut, imarpik qulaallugu timmisartuussinernut mittarfissat 2024-mi atulernerisigut angallasseriaatsip nutaamik aaqqissuunneqarneratigut ataatsimoortumik ingerlatsineri aningaasartuutit appartinneqarnissaasa siunertarineqarnera tulleriarineri eqqarsaatigineqarpoq. Tamatuma saniatigut sanaartornermi nunatsinneersunik sulisinnaasunik pisariaqartitsineq sanaartugassanut ilanngullugit eqqarsaatigineqartariaqarput.

2019-imi upernaakkut ataatsimiinnermi sanaartornermut ataatsimiititaliap imm. 134-mut isumaliutissiissutaani, tulliuuttoq Inatsisartunit akuersissutigineqarpoq:

*” Nunatsinni katillugit angallannermut aningaasartuutit annikillisarniarlugit angallannermilu tikittarnerit akulikissusaasa qulakkerneqarnissaat anguniarlugu attaveqarnermut nunap immikkoortuinut nunalu tamakkerlugu pilersaarutit immikkoortumut pilersaarutinut ilanngutsinneqarnissaat aamma nuna tamakkerlugu ataatsimoorussamik pilersaarusiornissaannik Naalakkersuisut kaammattorneqassapput. Taamaalilluni immikkoortunut pilersaarutinut mittarfiit pioreersut qulimiguullinnullu mittarfinnut, nuna immikkoortuini mittarfiit umiarsuit pioreersut assigiinngitsut atorneqarnissaannut periarfissat aqqusinertigut nunakkut ikerasaliakkullu angallannernut periarfissat annikillisarlugillu annertusarneqarnissaat immikkoortumi pilersaarummut ilanngullugit suliarineqassallutik.”*

Taamaalilluni Qeqertarsuarmi, Qasigiannuani, Kangaatsiami, Narsami Nanortalimmilu nunap immikkoortortaani mittarfissat tulleriarneqarnissaanni tunngavissat, Inatsisartut Sanaartornermut Ataatsimiititaliaata innersuussutigisaanut tamakkiisumik naapertuuppoq.

Mittarfiliassat ataasiakkaat suliareqqinneqarnissaannut siunnersuut matumap ataani takussusiorneqarpoq:

<b>Suliniut</b>	<b>Iliusissaq</b>
-----------------	-------------------

UKA 2020/27

IAN – Suliaq normu.: 2017-2529

Tasiilaq	Aningaasalersorneqarnissaa pillugu sanaartornissamut inatsisissatut siunnersuut suliarineqassaaq
Ittoqqortoormiit	Aningaasalersorneqarnissaa pillugu sanaartornissamut inatsisissatut siunnersuut suliarineqassaaq
Qeqertarsuaq	Assartuussineq pillugu immikkoortortamut ataqatigiisumik pilersaarusiassamut ilanngunneqassaaq
Qasiqiannguit	Assartuussineq pillugu immikkoortortamut ataqatigiisumik pilersaarusiassamut ilanngunneqassaaq
Kangaatsiaq	Assartuussineq pillugu immikkoortortamut ataqatigiisumik pilersaarusiassamut ilanngunneqassaaq
Narsaq	Assartuussineq pillugu immikkoortortamut ataqatigiisumik pilersaarusiassamut ilanngunneqassaaq
Nanortalik	Assartuussineq pillugu immikkoortortamut ataqatigiisumik pilersaarusiassamut ilanngunneqassaaq
Uummannaq	Suliaq ingerlateqqinneqassanngilaq

Suliniutit aningaasalersorneqarnissaanni, sanaartornissallu aallartinneqarnissaanni suliniutinut nunatta karsianit aningaasaliisinnaassusissaaq, aningaasalersueriaasiusinnaasullu allat apeqqutaassapput. Tamanna COVID-19-ip kingunerisaanik aningaasaqarnikkut ilungersunartumik inissisimanermut, allatigullu sanaartortitsinissani soorlu ilinniartitaanerup, peqqinnissap il.il. iluini tulleriiaarinissanut atalluinnartutut isigineqassaaq.

Pingaartumik Tasiilami Ittoqqortoormiini suliniutit qaqugorpiaraq aallartinneqassanersut Naalakkersuisut maannangaq saqqummiussissallutik kissaatiginngilaat. Tamanna isiginiarneqqaartariaqartunik arlalinnik patsiseqarpoq:

- Sanaartortitsinissami ingerlatsinissamilu aningaasalersueriaasiusinnaasut qulaajarneqarnissaat
- COVID-19-ip aningaasaqarnermut kinguneri.
- Pilersaarusiorneq nalinginnaasumik ukiunik marlunnik-pingasunik sivilisussuseqarsinnaasarnera.
- Sanaartortitsinissami ersarissumik missiliuutinik suliaqarnikkut, sanaartortitsinissami aningaasaqarnerq ersarissumik takussusiorneqarsinnaassaaq.
- Mittarfiliornissani atorfinitsitsinissamik, ilinniartitsinissamik, nunatsinneersuniillu sulisoqarnissamik piumasaqaatip attatiinneqarnissaanik pisariaqartitsinerit isiginiarneqarnissaat.
- Massakkut Kulusummi mittarfimmit naannerusumik Tasiilami mittarfiliortoqarneratigut Islandimit takornariartartunut kingunissai.

Naalakkersuisoqarfiit akornanni oqaloqatigiinnerup kingunerisaanik piffissaliussaq siunnersuutigineqarpoq. Tulliuttut tulleriinnerisigut tulleriillugit piffissaliussami ilaatinneqarput.

Suliniutit tulleriiaarneqarnissaannut tunngavissat pillugit aalajangiiffisassatut siunnersuut

Misissueqqissaarnerit tullerriiarinerlu angallanneq pillugu pingaarnertut immikkoortumut pilersaarummut ilanngunneqassapput
Tasiilami Ittoqqortoormiini suliniutit pilersaarusiortugit aallartinneqarnerat, sanaartornissamullu inatsisissatut siunnersuut aallartinneqarluni
Angallanneq pillugu ersarinnerusumik/piviusorsiornerusumik pilersaarusiorteq

### **Pisortanut aningaasaqarnikkut allaffissornikkullu kinguneqaatissai**

Ullumikkumut sanilliullugu nunatsinni illoqarfiit nunaqarfiillu ataqatigiinnerulersillugit pitsaaneruserusumik, ullutsinnut naleqqunneruserusumik ataqatigiinneruserumillu attaveqaqatigiinnermik pilersitsinissartik Naalakkersuisut kissaatigaat. Tamanna tamanut iluaqutissanngorluni pisariinneruserusumik ingerlatsinissamut ineriartortitsinissamullu tunngavissiissaaq. Tasiilami Ittoqqortoormiini suliniutinut tunngatillugu inuiaqatigiit aningaasaqarnerinut kinguneqaatissaasa naliliiffigineqarnerisa takutippaat, inuiaqatigiit sipaaruteqassasut.

Akunnittarunnaarnikkut, illoqarfiillu qanitarisaanni mittarfeqalernikkut tulluuttut sipaaruteqarfiussapput:

- Tunumi mittarfinnik ingerlatsinermi aningaasartuutit
- Billetsit akikillissapput, pisortaqarfiillu angalasarneri sivikillillutik.

### **Namminersorlutik inuutissarsiutilinnut aningaasaqarnikkut allaffissornikkullu kinguneqaatissai**

Inuutissarsiutillit, pingaartumillu takornarialerisut ineriartortitsinnaanissaannut tunngavissiilluni attaveqaqatigiinneq ineriartortinneqassasoq Naalakkersuisut kissaatigaat. Attaveqaqatigiinneq ullutsinnut naleqquttoq pisariitsorlu inuutissarsiutillit pinngitsoorsinnaanngilaat. Namminersorlutik inuutissarsiutillit Tunumut angalanerini billetsinut sipaarutissat, sivikinneruserumillu angalasarnerit tamatumunnga siuarsaataasussatut isigineqarput. Taamatut naatsorsuinermi akunnittarunnaarnerit aalajangiisuulluinnarput.

### **Innuttaasunut aningaasaqarnikkut allaffissornikkullu kinguneqaatissai**

Innuttaasut naleqqunneruserusumik angalasarsinnaanissaat Naalakkersuisut sulissutigerusuppaat. Ilutigalugu innuttaasunut iluaqutissanngorlugu unammilleqatigiinnerup annertusineqarnissaa, akigititallu allanngortinneqarnissaa Naalakkersuisut kissaatigaat. Innuttaasut Tunumut angalanerini billetsinut sipaarutissat, sivikinneruserumillu angalasarnerit tamatumunnga siuarsaataasussatut isigineqarput. Taamatut naatsorsuinermi akunnittarunnaarnerit aalajangiisuulluinnarput.